

novine

(/)

Prilagođeno pretraživanje

Search

Naslovna > (/) Novosti > (/novosti)

Hronika

Opljačkali dvije pumpe pa u bijegu pucali na policiju



Foto: Ilustracija | Opljačkali dvije pumpe pa u bijegu pucali na policiju

N.N.

13.05.2019 19:42

MOSTAR - Policajci u Hercegovini imali su burnu noć tragajući i sukobljavajući se s četvoricom pljačkaša koji su provalili u dvije benzinske pumpe. U toku potjere došlo je i do razmjene vatre, a pljačkaši su identifikovani i očekuje se njihovo privođenje.

Grupa pljačkaša prvo je noćas uz prijetnju vatrenim oružjem opljačkala benzinsku pumpu "INA" na Bijači, da bi potom iz Zapadnohercegovačkog kantona prešla u Hercegovačko-neretvanski gdje su provalili i u drugi sličan objekat.

Nešto oko ponoći Policijska uprava Mostar obaviještena je od kolega iz Ljubuškog o oružanoj pljački, te da su se osumnjičeni vozilom marke audi udaljili u pravcu Mostara.

"Polijski službenici PU Mostar pojačali su nadzor na području grada Mostara i šire. U 00:40 policijske parole dobile su dojavu da je u toku provala na benzinskoj pumpi 'Petrol' na području Žovnice. Brzom intervencijom policijskih snaga PU Mostar blokiran je regionalni put Mostar-Široki Brijeg, te drugi lokalni putevi na području Kozice prema Miljkovićima", kazali su iz MUP-a.

Operativnim radom locirano je i blokirano golf 5, bijele boje. Tri lica naoružana sa dvije automatske puške i pištoljem napuštaju vozilo, te ignorišu upozorenje policijskih službenika da se predaju, već okreću vatreno oružje u pravcu policajaca.

"Zbog direktne prijetnje smrću i ozbiljnih povreda, policijski službenici Interventne grupe PU Mostar ispaljuju iz službenog naoružanja hitce u smjeru osumnjičenih, koji bježe u obližnju šumu u smjeru regionalnog puta Mostar - Široki Brijeg. Policajci PU Mostar s vodom policijskih službenika Jedinice za operativnu podršku, nastavili su operativne radnje na terenu. Krim-tehničkim radnjama utvrđen je identitet osumnjičenih te je pronađeno zapaljeno vozilo Audi A6, gdje postoji osnovana sumnja da je korišteno u izvršavanju krivičnih djela. Pretresom vozila marke golf 5 pronađeno je još vatreneog naoružanja, municije, te raznih predmeta koji se koriste pri provalama", rekli su.

Koordinisanom razmjenom operativnih informacija PU Široki Brijeg, PU Ljubuški i PU Mostar utvrđen je identitet osumnjičenih te će biti privedeni na kriminalističku obradu u PU Ljubuški gdje postoji osnovana sumnja da su počinili krivično djelo razbojništva na benzinskoj pumpi Bijača. Isto tako, osumnjičeni se mogu dovesti u vezu s izvršenjem nekih krivičnih djela koja su počinjena u posljednjem periodu u HNK.

(Klix.ba) (<https://www.klix.ba/vijesti/crna-hronika/opljackali-dvije-benzinske-pumpe-u-hercegovini-a-u-bijegu-pucali-na-policijsku-potjeru/190513118>)

PLJAČKA ([HTTPS://WWW.NEZAVISNE.COM/TAGOV?STRANA=1&IPP=10&T=PLJA%C4%8DKA](https://www.nezavisne.com/tagovi?STRANA=1&IPP=10&T=PLJA%C4%8DKA))

KRAĐA ([HTTPS://WWW.NEZAVISNE.COM/TAGOV?STRANA=1&IPP=10&T=KRA%C4%91A](https://www.nezavisne.com/tagovi?STRANA=1&IPP=10&T=KRA%C4%91A))

POLICIJA ([HTTPS://WWW.NEZAVISNE.COM/TAGOV?STRANA=1&IPP=10&T=POLICIJA](https://www.nezavisne.com/tagovi?STRANA=1&IPP=10&T=POLICIJA))

PUCNJAVA ([HTTPS://WWW.NEZAVISNE.COM/TAGOV?STRANA=1&IPP=10&T=PUCNJAVA](https://www.nezavisne.com/tagovi?STRANA=1&IPP=10&T=PUCNJAVA))

Dijeli 17

 Preporuč (viber://forward?text=<https://www.nezavisne.com/novosti/hronika/Opljackali-dvije-pumpe-pa-u-bijegu-pucali-na-policiju/538006>)

 Pratite nas (<http://chats.viber.com/nezavisne>)

Komentare na ovu vijest mogu postaviti samo prijavljeni čitaoci.

Izneseni komentari su privatna mišljenja autora i ne odražavaju stavove redakcije Nezavisnih novina.

Molimo vas da vaša iskustva i zapažanja prilikom korištenja aplikacije za komentarisanje podijelite sa nama (<mailto:webmaster@nezavisne.com>).

Pošaljite komentar (<https://www.nezavisne.com/novosti/hronika/Opljackali-dvije-pumpe-pa-u-bijegu-pucali-na-policiju/538006/komentari>)

Izneseni komentari su privatna mišljenja autora i ne odražavaju stavove redakcije Nezavisnih novina.

0 komentara

Poredaj po: **Najnovije**

Dodaj komentar

Plugin za Facebook komentare